

Բարի գալուստ Իզիտրանս ընկերության հարթակ

Իզիտրանս ընկերության Կայքի համապատասխան տողում նշում կատարելով՝ Դուք, համաձայնվելով Ընկերության Ընդհանուր դրույթներին և պայմաններին, փոխադրումների կազմակերպման ծառայության մատուցման պայմանագիր եք կնքում Իզիտրանս ընկերության հետ և ըստ այդմ իրավունք եք ստանում օգտվելու Իզիտրանսի ծառայություններից, ինչպես նաև կրում սույն Պայմանագրով սահմանված պարտավորությունները:

1. Հիմնական սահմանումներ

1.1. «Իզիտրանս» ընկերություն, որը գործում է լիցենզիայով

1.2. «Հաճախորդ»՝ ֆիզիկական անձ կամ իրավաբանական անձի ներկայացուցիչ, որը գործելով իր կամ իրավաբանական անձի անունից, գրանցվել է Իզիտրանսի պաշտոնական Կայքում (www.easytrans.am) և ստեղծել օգտագործման հաշիվ, ինչպես նաև համաձայնություն տալով կնքել սույն Պայմանագիրը.

1.3. «Կողմեր»՝ Իզիտրանսը և Հաճախորդը միասին.

1.4. «Պայմանագիր»՝ Իզիտրանսի և Հաճախորդի միջև կնքված սույն՝ Պատվերների փոխադրման ծառայություն մատուցելու պայմանագիրը, ինչպես նաև դրա անբաժանելի մասը հանդիսացող ընդհանուր դրույթները ու պայմանները.

1.5. «Կայք»՝ www.easytrans.am կայքէջը.

1.6. «Ծառայություն»՝ Հաճախորդի հանձնարարությամբ Իզիտրանսի կողմից մատուցվող միջազգային բեռնափոխադրման կազմակերպման ծառայություն.

1.7. «Պատվեր»՝ Հաճախորդի կողմից Իզիտրանսին բեռնափոխադրման կազմակերպման ծառայություն մատուցելու հանձնարարություն.

1.8. «Առաքանի»՝ Հաճախորդի կողմից գնված և Իզիտրանսի պահեստում սնույնականացման միջոցով ստացված նյութական ապրանք/իր/գույք, որի փոխադրման ծառայությունը մատուցվելու է Իզիտրանսի կողմից.

1.9. «Պահեստ»՝ Իզիտրանսի կողմից Կայքով հայտարարված արտասահմանյան երկրների նշված հասցեներում գտնվող պահեստներ, որտեղ Իզիտրանսը ստանում է Առաքանին և կազմակերպում է դրա առաքումը հասցեատիրոջը.

1.10. «Վերափաթեթավորում»՝ Պահեստում ստացված Հաճախորդի առաքանու փաստացի և ծավալային քաշի նվազեցման կամ համախմբման նպատակով Իզիտրանսի հայեցողությամբ Առաքանու հետ կատարվող գործողություն.

1.11. «Անվտանգության վճար»՝ վճարի դիմաց հաճախորդին տրվող արտոնություն:

2. Պայմանագրի առարկան

2.1 Պայմանագրով Իզիտրանսը պարտավորվում է Հաճախորդի Պատվերով մատուցել առաքանու փոխադրման կազմակերպման ծառայություններ, իսկ Հաճախորդը պարտավորվում է Պայմանագրով սահմանված կարգով, չափով և ժամկետներում վճարել Իզիտրանսին և ստանալ Առաքանին:

2.2 Իզիտրանսի ծառայություններից օգտվելու համար Հաճախորդը պետք է գրանցված լինի Կայքում որպես ինքուրույն օգտատեր և ունենա անձնական Էջ/հաշիվ:

3. Ընդհանուր դրույթներ և պայմաններ

3.1 Սույն պայմանագրի անբաժանելի մասն են հանդիսանում [ընդհանուր դրույթները և պայմանները](#):

3.2 Հաճախորդը հաստատում է, որ ծանոթացել է նաև 3.1 կետով սահմանված ընդհանուր դրույթներին և պայմաններին:

4. Հավաստումներ

4.1 Հաշվի առնելով, որ Իգիտրանսը չի կարող ստուգել Կայքում գրանցվող Հաճախորդների կողմից ներկայացված տեղեկությունների, տվյալների իսկությունը և հավաստիությունը, ֆիզիկական անձ հանդիսացող Հաճախորդը հայտարարում և հավաստում է, որ լրիվ գործունակ ֆիզիկական անձ է, գործունակությունը որևէ կերպ սահմանափակված չէ:

4.2 Իրավաբանական անձ Հաճախորդի ներկայացուցիչը հայտարարում և հավաստում է, որ ներկայացնում է օրենքով սահմանված կարգով գրանցված և գործող իրավաբանական անձի, ունի տվյալ իրավաբանական անձի անունից հանդես գալու պատշաճ լիազորություններ:

5. Գաղտնիություն

5.1 Պայմանագրով նախատեսված ծառայությունների մատուցման ընթացքում Իգիտրանսը պարտավորվում է ապահովել Հաճախորդի՝ ծառայություններից օգտվելու գաղտնիության իրավունքը:

5.2 Իգիտրանսը պարտավորվում է երրորդ անձանց չհայտնել և որևէ այլ կերպով չիրապարակել Հաճախորդի վերաբերյալ իրեն հայտնի տվյալները (բնակության հասցե, գտնվելու վայր և այլն)՝ բացառությամբ օրենքով սահմանված կարգով նշված տեղեկատվության տրամադրման Իգիտրանսի պարտավորության դեպքերի:

5.3 Կայքում գրանցվելուց հետո Հաշվի մուտքի տվյալների գաղտնիության պահպանման պատասխանատվությունը կրում է Հաճախորդը, և վերջինս լիարժեք պատասխանատվություն է կրում իր հաշվի հետ կատարված ցանկացած գործողության համար: Այդ գործողությունների արդյունքում Իգիտրանսին կամ երրորդ անձանց պատճառված վնասի համար պատասխանատվությունը կրում է Հաճախորդը:

6. Ընկերության համբավի պաշտպանություն

6.1 Հաճախորդը պարտավորվում է անձամբ կամ միջնորդավորված որևէ կերպ չիրապարակել Պայմանագրով ծառայությունների մատուցման ընթացքի վերաբերյալ չճշտված և ոչ հավաստի այնպիսի տեղեկություններ, որոնք կարող են վնաս հասցնել Իգիտրանսի գործարար համբավին և հանգեցնել սպառողների մոտ Իգիտրանսի կողմից մատուցվող ծառայությունների վերաբերյալ ոչ հավաստի կարծիքի ձևավորմանը:

7. Անհաղթահարելի ուժ /ֆորս մաժոր/

7.1 Պայմանագրով պարտավորություններն ամբողջությամբ կամ մասնակիորեն չկատարելու համար Իգիտրանսը և/կամ Հաճախորդը ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը կողմերը չէին կարող կանխատեսել կամ կանխարգելել:

7.2 Այդպիսի իրավիճակներ են հանդիսանում ներառյալ, սակայն առանց սահմանափակման՝ երկրաշարժը, ջրհեղեղը, հրդեհը, պատերազմը, ապստամբությունը, ռազմական և արտակարգ դրություն հայտարարելը, քաղաքական հուզումները,

գործադրվելը, հաղորդակցության միջոցների աշխատանքի դադարեցումը, բեռնափոխադրող տրանսպորտային միջոցների, ինչպես նաև ինքնաթիռների թռիչքների չեղարկումը կամ անորոշ ժամկետով հետաձգումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը:

7.3 Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

8. Պայմանագրի փոփոխություններ

8.1 Իզիտրանսին իրավունք է վերապահվում միակողմանիորեն փոփոխել Պայմանագրի պայմանները՝ այդ մասին հրապարակելով տեղեկությունները Կայքում:

8.2 Պայմանագրի փոփոխությունները օրինական ուժ կստանան Իզիտրանսի կողմից փոփոխությունների մասին հայտարարության մեջ նշված ժամկետում և կտարածվեն հրապարակումից հետո ծագած պարտավորությունների վրա:

8.3 Իզիտրանսի ծառայություններից օգտվել շարունակելով՝ Հաճախորդը ընդունում և համաձայնում է Պայմանագրի փոփոխություններին:

9. Կիրառելի իրավունք, վեճերի լուծման կարգ

9.1 Պայմանագրի վերաբերյալ կամ և դրանից ծագած վեճերի նկատմամբ կիրառելի է Հայաստանի Հանրապետության իրավունքը:

9.2 Պայմանագրի վերաբերյալ կամ դրանից ծագած վեճերը լուծվում են բանակցությունների միջոցով, և Կողմերը պարտավոր են այդ նպատակող բավարար և ողջամիտ ջանքեր գործադրել: 9.3 Բանակցությունները ձախողելու և համաձայնություն ձեռք չբերելու դեպքում վեճի լուծումը հանձնվում է ՀՀ համապատասխան դատարանի քննությանը:

10. Եզրափակիչ

10.1 Կողմերը հայտարարում և ընդունում են, որ Պայմանագրի բովանդակությունն ամբողջությամբ համապատասխանում է իրենց կամահայտնությանը:

10.2 Եթե սույն պայմանագրի որևէ դրույթ անվավեր ճանաչվի, ապա դրա մյուս դրույթները չեն կորցնում իրենց ուժը: Սույն պայմանագրով չկարգավորված հարցերը լուծվում են Հայաստանի Հանրապետության գործող օրենսդրությամբ սահմանված կարգով:

10.3 Պայմանագիրը կազմված է հայերեն լեզվով:

10.4 Հաճախորդը հաստատում է, որ տիրապետում է հայերեն գրավոր և բանավոր լեզվին, ծանոթացել է Պայմանագրի բոլոր հոդվածներին ու կետերին, դրանց պայմաններն իրեն հասկանալի ու ընդունելի են: